

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog otvorenog postupka u skladu sa Zakonom o javnim nabavkama Bosne i Hercegovine te Odluke o izboru najpovoljnijeg ponuđača Direktorice Zavoda za javno zdravstvo Kantona Sarajevo broj: 05.12.99-3794-Odluka o izboru LOT 16/17 od 05.09.2017.godine, kojom se prihvata Ponuda ponuđača „KEFO“ d.o.o. Istočno Sarajevo, kao najpovoljnija i kojom se sa ponuđačem "KEFO" d.o.o. Istočno Sarajevo, zaključuje Okvirni sporazum za sukcesivnu nabavku robe za LOT 16 – ČVRSTE I TEČNE HEMIKALIJE, za potrebe J.U. Zavoda za javno zdravstvo Kantona Sarajevo, zaključuje se slijedeći:

OKVIRNI SPORAZUM ZA SUKCESIVNU NABAVKU ROBE – LOT 16 ČVRSTE I TEČNE HEMIKALIJE

J.U. ZAVOD ZA JAVNO ZDRAVSTVO KANTONA SARAJEVO, ul. Dr. Mustafe Pintola br.1/III Ilidža-Sarajevo, identifikacioni broj: 4200329950003 (u daljem tekstu: Ugovorni organ), koga zastupa Dr sci. med. Snježana Balta, primarius, direktorica,

i

„KEFO“ d.o.o. ISTOČNO SARAJEVO, ulica: Ćorovićeve 1a, identifikacioni broj: 4403208220006, koga zastupa direktorica: Radmila Tošić, (u daljem tekstu: Prodavac)

I PREDMET OKVIRNOG SPORAZUMA

Član 1.

- (1) Predmet ovog Okvirnog sporazuma je nabavka robe za Lot 16 – Čvrste i tečne hemikalije za potrebe JU Zavoda za javno zdravstvo Kantona Sarajevo, a prema ponudi broj: 17-010-1057/17 od 24.08.2017. godine, koja je sastavni dio ovog Ugovora.

Član 2.

Ugovorni organ naručuje predmetnu robu, a Dobavljač prihvata da isporučuje istu, a na osnovu provednog postupka javne nabavke putem otvorenog postupka i Odluke Ugovornog organa o izboru najpovoljnijeg Ponuđača.

Član 3.

Ugovorni organ i Dobavljač su saglasni da Okvirni sporazum realizuju prema već definisanim uslovima u Obavještenju o javnoj nabavci putem Otvorenog postupka (u daljem tekstu:

Obavještenje) i prema tenderskoj dokumentaciji (u daljem tekstu: Tenderska dokumentacija)

i to:

- (1) Ugovorni organ prema zahtjevima u Obavještenju i Tenderskoj dokumentaciji

(2) Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi na otvoreni postupak.

II UGOVORENA CIJENA, GARANCIJA ZA DOBRO IZVRŠENJE POSLA, OBRAČUN I NAČIN PLAĆANJA

Član 4.

(1) U obim roba iz člana 2. ovog Okvirnog sporazuma podrazumijevaju se roba po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi).

(2) Ukupna vrijednost Okvirnog sporazuma iznosi 9.616,41 KM bez PDV-a.

Član 5.

U slučaju eventualnih sporova, ugovorne strane obavezuju se da sporove riješe mirnim putem, a u slučaju da se spor ne riješi mirnim putem, za rješenje spora mjesno je nadležan Sud u Sarajevu.

Član 6.

(1) Dobavljač se obavezuje da robu fakturiše istog dana kada je isporučio robu, na osnovu otpremnih dokumenata (otpremnicu i sl.) .

(2) Dobavljač se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.

(3) Ugovorni organ će platiti fakturu za isporučenu robu nakon izvršene primopredaje robe u roku do 30 (trideset) dana od nastanka obaveze iz stava (1) ovog člana.

(4) Dobavljač se obavezuje da na fakturi naznači broj LOT-a na koji se ista odnosi.

(5)

III OBAVEZA DOBAVLJAČA

Član 7.

Ugovorni organ utvrđuje garanciju, безусловnu bankovnu garanciju za dobro izvršenje posla na iznos od 10% (desetposto) od vrijednosti ponude - sa periodom važenja 13 (trinaest) mjeseci, naplativom na prvi poziv.

Ukoliko ne nastupi niti jedan od slučajeva koji bi zahtjevao realizaciju garancije za dobro izvršenje posla, Ugovorni organ vrši povrat sredstava/dokumenta koji predstavljaju garanciju. Bezuslovna bankarska garancija za dobro izvršenje posla i ista će poslužiti za pokrivanje stvarne štete i troškova koje Ugovorni organ može imati ukoliko dobavljač prekrši odredbe zaključenog Okvirnog sporazuma.

Ako Prodavac kojem je dodjeljen Okvirni sporazum prekrši ili ne izvrši odredbe istog, Ugovorni organ će realizirati bankovnu garanciju i nakon toga izvršiti raskid Okvirnog sporazuma.

Prodavac je dužan u roku od 8 dana od dana obostarnog potpisivanja Okvirnog sporazuma dostaviti bankovnu garanciju na iznos koji će biti ekvivalentan procentu od 10% (deset posto) ugovorene cijene.

U slučaju da Prodavac ne dostavi bankovnu garanciju u roku od 8 dana od dana obostarnog potpisivanja Okvirnog sporazuma, Okvirni sporazum će se smatrati apsolutno ništavnim.

Član 8.

- (1) Ukoliko u toku trajanja Okvirnog sporazuma Dobavljač promjeni broj telefona i faksa, odmah je dužan pismenim putem obavijestiti Ugovorni organ.
- (2) Dobavljač se obavezuje:
 - da će dostaviti robu Ugovornom organu, propisanog kvaliteta, u traženim količinama i u dogovoreno vrijeme.
 - da će ugovorene obaveze izvršiti blagovremeno, u ugovorenom roku, stručno i kvalitetno u skladu sa tehničkom specifikacijom, sve prema dostavljenoj Ponudi;
 - da će isporučiti, robu, u roku od 5 kalendarskih dana od dana primanja narudžbe od Ugovornog organa;
 - da će Kupcu omogućiti nadzor nad vršenjem isporuke, te da će na njegov zahtjev obustaviti isporuku robe ukoliko se utvrdi da se ista izvodi nekvalitetno i mimo tehničke specifikacije;
 - da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Okvirnog sporazuma od strane ovlaštenog lica govornog organa;
 - da će isporuku robe izvršiti u sjedište Ugovornog organa, ul. Dr. Mustafe Pintola 1/III u J.U. Zavod za javno zdravstvo Kantona Sarajevo

Član 9.

(1) Dobavljač se obavezuje da će isporuku robe koja je predmet Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

(2) Ugovorni organ je dužan da dostavi pismeno obavještenje o svakom navodnom propustu Dobavljača po Okvirnom sporazumu.

(3) Ugovorni organ će utvrditi razuman rok za ispravku propusta Dobavljača u smislu izvršene isporuke.

Dobavljaču se postavlja uslov da nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju istog.

Član 10.

(1) Roba utvrđena ovim Okvirni sporazumom mora biti u skladu sa tenderskom dokumentacijom i zahtjevima Ugovornog organa.

(2) Ugovorni organ ima pravo stručnog kontroliranja kvaliteta isporučene robe, a Dobavljač je u obavezi kontrolu omogućiti te uvažiti eventualne primjedbe Ugovornog organa i u skladu sa istim načiniti ispravku.

Član 11.

Ponuda Dobavljača br. 17-010-1057/17 od 24.08.2017. godine, na temelju koje je sačinjen ovaj Okvirni sporazum, čini sastavni dio istog.

IV UGOVORNE KAZNE I NAKNADA ŠTETE

Član 12.

(1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos

(2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti

(3) Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Dobavljača ustupi posao drugom Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

Član 13.

V ZAVRŠNE ODREDBE

Ugovorni organ neće sklapati pojedinačne ugovore o javnoj nabavci, već će obzirom da se radi o okvirnom sporazumu u kojem su definirani svi uvjeti za pojedinačne nabavke, isti realizirati putem narudžbenica do visine osiguranih tj. planiranih sredstava.

Član 14.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 15.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 16.

Za sve što nije regulisano ovim Okvirnim sporazumom, primjenjivaće se odredbe Zakona o obligacionim odnosima.

Član 17.

Ovaj Okvirni sporazum smatra se zaključenim danom potpisavanja Ugovornih strana, a primjenjuje se u periodu od najduže jedne godine od dana zaključenja Okvirnog sporazuma ili do isteka otkaznog roka iz člana 6. ovog Okvirnog sporazuma.

Član 18.


Ovaj Okvirni sporazum je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

KEFO d.o.o.
I. SARAJEVO
DIREKTORICA


(Radmila Tošić) d.o.o. usluge

Broj: 01-506 /17
Sarajevo, 19.10.17. godine

J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA


(Dr. med. sci. Snježana Balta, primarius)

Broj: 05.12.99-3794-Okvirni sporazum – Lot 16/17
Sarajevo, 21.09.2017. godine.